

郎

潛

紀

聞

邱潛紀聞卷七

鄧 陳康祺著

嘉慶十四年閩浙水師攻勦蔡牽鏖戰重洋閱兩晝夜
蔡逆夫婦淹斃黑水洋盜船一律燒毀餘盜擒斬無遺
經閩浙總督張師誠由五百里馳奏

上大喜慰

封福建提督王得祿子爵

賞戴雙眼花翎

封浙江提督卹良功男爵並各

頒賞珍物有差是役吾郡孫軍門大剛童軍門鎮陞先

有罪至是還孫總兵原職童開復頂戴相傳浙軍圍攻
逆船追逐千里枵腹苦戰喋血於狂風巨浪中兵勇傷
殘極眾比閩軍遲一日到已功在垂成矣奏捷之疏由
總督主稿遂有閩幫優於浙幫之說而

恩賞亦稍有軒輊邛軍門致浙撫書謂掃蕩鯨鯢肅清
海甸總是大快事不必計較功伐真名將風規也昔鍾
鄧入蜀渾濬平吳設皆如軍門大度固當功名始終
阮文達公繼娶夫人乃孔子七十三代長孫女爲昭字
輩衍聖公孫女憲字輩衍聖公女

高宗巡幸闕里夫人尙年幼隨其祖母跪迓

宮輿蒙駐輿詢年齒且攜手

賜宮花一朵後文達以詹事視學山東遂委禽焉比成婚杭州禮儀輿服隆於一時以詩賀者有壓奩只用十三經之句夫人習書禮能詩文有讀史雜文數十篇唐宋舊經樓詩六卷世遂號經樓夫人按文達督學時畢秋帆宮保爲東撫謂阮封翁曰吾女可配衍聖公公爲媒衍聖公之本生胞姊可配公之子吾爲媒乃同締姻二公表章經籍篤古崇儒至求淑相攸必屬之東魯聖人之裔誠不愧儒雅風流矣

嘉慶十八年教匪林清之變滑縣老岸鎮巡檢咸甯劉

公斌首發其事手擒逆黨李文成牛亮臣親致之縣縣窮治文成折其脛黨與散而期會誤得以卽時伐定公功爲多方九月七日賊奪門入城公居典史署聞變持械出巷戰殉難事聞

贈知縣賜諡忠義公以徙薪曲突之人遭爛額焦頭之慘幸

聖明知其始末故九品微官獲邀易名之曠典也詳見梅伯言先生柏枧山房文集

仁和關侍郎槐官中書時先以善畫供奉

內廷入翰林後始直

尚書房

高宗賜詩有松下做書寮之句因自篆松下書寮四字
爲齋額

道光間西夷犯浙武臣多死綏者如金華副將朱貴及
其子昭南死慈谿夫寶山壽春總兵王錫朋處州總兵
鄭國鴻定海總兵葛雲飛狼山總兵謝朝恩死定海竹
山門當時諸將一心戰守艱苦威德洽而紀律嚴父老
皆以爲長城之倚奈調兵請懷動輒掣肘至於力竭身
殉浩氣同歸至今談者猶下涕嗚呼誰秉節鉞摧我忠
良某某輩之肉不足食也文臣牧令已下亦間有殉難

者乍浦同知山東韋逢甲定海知縣福建姚懷祥縣丞
雲南李向陽典史甘肅全福凡四人朱將軍及定海四
忠戰績近人多紀述者余擬就吾鄉老成人詢訪一二
逸事卒卒未暇先識於此

四鎮守舟山時兵民輯睦忠義響應西人已喪膽思遁
其時若非大帥遙制可使弭首受約束而

中國威棱更一二百年猶赫赫也不幸穆相當國壹意
主和者英琦善伊里布諸人多選懦無遠略自和議成
而軍士灰心敵益狂狡遂有四忠併命之禍有士人賦
詩紀事云海外方求戰朝端竟議和將軍伊里布宰相

穆彰阿直筆敘述不惡而嚴矣

讀書者不賤守田者不饑積德者不傾擇交者不敗桐城張文端公英聰訓齋語多格言名論此四句尤切至時帆祭酒初名運昌乾隆五十年升庶子時命改法式善法式善者

國語黽勉上進也祭酒雄文邃學清班二十載未嘗一與文衡兩應大考俱左遷相傳書法甚古拙知乾隆朝已重字不重文矣

嘉慶丙辰

太上皇帝御製重華宮茶宴詩命廷臣次韻叶嗟字韻

多不得體獨彭文勤公代和坤作云帝典王謨三曰若
騶虞麟趾五吁嗟

兩聖人皆歎賞嘉慶某年御製觀龍舟詩命詞臣賡和
眾皆窘於水嬉嬉字韻獨錢唐陳太史嵩慶句云萬國
魚龍呈曼衍九重珠玉戒荒嬉蓋

上方以黜奢崇儉諭示廷臣也

仁宗亦大歎賞許爲壓卷一

本朝儒臣以文章名世者天台齊侍郎與諸城竇侍郎
齊名曰南齊北竇河間紀文達公與嘉定錢詹事齊名
曰北紀南錢又曹倦圃落評詩以南潘北李並舉蓋指

天生次耕兩先生大興朱竹君學士與青浦王述庵少
司寇皆喜提唱風雅人稱北朱南王嘉慶中歛鮑宮詹
桂星與吾師童通副槐亦有南童北鮑之目則以應制
詞賦見稱也

按鮑南人而
云北鮑俟考

聖祖天縱多能藝事無一不學亦無一不精

幾暇作畫賜廷臣今海內舊家尚有寶守者時滿洲參
領唐岱號靜巖工山水嘗召入內廷論畫法因

御賜畫狀元見胡學士敬

國朝畫院錄

顏中丞希深乾隆時官平度知州于役省垣州遭大水

城不沒者數版災民嗷嗷流冗載道太夫人聞而惻然
命發倉粟盡數賑饑民賴以甦大吏以擅動倉穀劾罷
中丞官

上覽疏大怒曰有此賢母好官爲國爲民宜保反劾何
以示勸立

擢知府並

賜其母三品封天下翕然頌

聖天子如天如神焉顏後官至巡撫子檢由拔貢官直
隸總督孫伯燾由翰林官閩浙總督固由遭際

唐虞重循卓而獎賢明母子獲膺異數而太夫人仁慈

果決如此其澤物型家推類可想宜乎子孫其逢以節
鉞爲傳家故物也語云活千人者必封誠不誣已

福建例貢荔枝道光元年經顏制軍檢奏罷昔宋洛陽
相公猶以貢進牡丹招同時詩人譏刺若制軍乃不愧
忠孝家矣

乾隆間會稽壽同春以布衣客臺灣淡水廳幕值林爽
文之變淡水陷廳官及於難壽展轉賊中密約忠義士
反正城立復乃搜捕羣不逞斬刈無算而撫定其子遺
賻卹備至威惠大著草萬言書渡海達大府大府疏告
天子驚賞卽

命知淡水廳循政多可紀者後

罵賊不屈死事聞

贈太僕寺卿蔭官立祠

恩禮有加壽亦人傑矣哉

嵇封翁永仁文敏相國父文恭相國祖父故福建巡撫
范忠貞幕客也耿逆反叛與忠貞同繫幽室者三年卒
遇害時文敏方七歲母太夫人苦志撫教以有成立比
文敏貴

封翁之忠義太夫人之節孝並奏

特旨旌門而

封翁獄中所作百苦吟和淚譜續離騷等種公亦彙刊
傳世孤忠苦節二曜同光復得兩世賢宰相以收荼蘼
冰霜之報蒼蒼者果無知也耶

嵇文恭公弱冠爲詞臣謹慎無纖微過失嘗於進呈文
字中有引

御製詩用字未經改寫坐是出

南書房自後每掌文衡及進部院疏奏遇

廟諱

御名倍矢敬畏卽尋常點畫之細偶有舛訛不少假貸
六朝金粉之遺祇瞻秦淮一灣水逮明季馬湘蘭李香

君輩出風情色藝傾動才流迄今讀板橋之記畫舫之
錄紙墨間猶留馨逸自兵燹十年而一片歡場又復鞠
爲茂草矣金陵克復後數月畫船簫鼓漸次萌芽時六
安涂廉訪守郡亟飛牒縣屬禁次日謁曾文正公公笑
謂曰聞淮河燈船尙落落如曙星吾昔計偕過此千艘
校織笙歌徹宵洵承平樂事也又次日公先約幕府諸
君買棹游覽並命江寧上元二邑令設席款太守一時
士女歡聲商賈麇集河房榛莽之區白舫紅簾日益繁
盛寓公土著聞信來歸遂大有丰昌氣象公真知政體
哉

交河王少司寇蘭生起家一秀才康熙四十五年李文貞薦

召直內廷癸巳

賜舉人

蒙養齋開局與編纂事後以母病請急有

旨將韻書帶回就家纂輯服闋復赴書局日侍

講筵承

顧問辰入西歸無間寒暑時猶未通籍也辛丑

賜進士以庶吉士充武英殿總裁留館踰年卽署司業

典廣東試督浙學歷康熙雍正乾隆三朝凡

天祿秘書頒行海內者靡不與點勘之役樂律一門尤
專屬焉文柄屢握

賜賚無算年僅中壽蚤躋列卿論者謂

本朝文臣清望殊榮公尤出高文恪上云

吳江陸朗夫中丞燿外任時母已年高

上稔知之初選大理府爲改登州升西甯道復爲調運
河及爲方伯母夫人以痰疾顛狂益甚必中丞侍側少
息叫號乃上疏陳情卽蒙

溫綸垂允

純皇帝之推恩錫類體恤臣工史書未之有也

壽序諛詞自前明歸震川始入文稿然每觀近今名人集中偶載一二亦罕有不溢美者

本朝惟潘次耕檢討耒亭林先生六十序頗有關係其言曰漢自黨人議起海內名德網羅殆盡而鄭康成獨全於禁錮之餘黃巾不入其里徒眾數千人昭烈修弟子禮所注經籍百代宗之隋季綱紀文章蕩然文中子挺生其時慨然有宏濟之志獻策不用家居著書河汾之間才俊如雲卒贊貞觀太平之治以此比擬亭林方見命世大儒遭罹厄會實由天厭明德留此寒泉碩果藉以開

興朝文運之先非如李二曲王斛山律已堅貞傳傳守
采薇之節者可比然非先生莫能當此也今世文士識
力若潘次耕者容或易遇而所撰題目非肉食貴官卽
詞賦名士或竟語錄劄記之儒者以及多牛足穀之富
翁碑銘誌傳無一人可傳文之人但求文能傳人之文
孰筆浩歎又豈獨壽序然與

按檢討遂初堂集亭林壽序後有載耘野六十壽序

末段有噫嘻悲矣豈不痛哉等語施之今人其子孫肯飾之屏幃乎卽此見壽序之不可爲一

康熙朝歛吳君苑自檢討遷中允進侍講擢祭酒僅百
日同館榮之然苑爲祭酒實克舉其職故事國子生初
就舍司成以下操幣以見曰到監費歲滿當咨部授職

有出資費苑悉除之故制貢監生教習八旂弟子者年滿試禮部十人中八授縣令二授州倅資格年勞本相等徒開倅門苑奏請悉補知縣八旂子弟舊不與考校苑令一體考校仍請增鄉會試額皆報可又前代成進士者皆勒名太學

本朝自丙戌後缺勒石者十八科爲次第補之復稽元明諸碑之缺者或埋或仆發地畢出之其風節治行皆此類宜

聖祖臨雍勸講於什百詞臣中簡一人焉爲天下師不次超遷若以爲非苑莫屬也比歲吾同郡姻連加章采

南鏊張子騰家驤二君相繼長國學余每以鼎足孫吳

視之

孫文定公教胄時大著聲績
今太學諸生以孫吳並稱

二君人品學術甚有

師法亦每稱

聖祖朝之嚮用臣僚無倖受特達之知者

順治十三年

上諭庶吉士教習已一年授爲科道果有忠言讜論始
爲不負所學時乙未庶常授御史給事中者甚多

國初設川湖總督自乾隆十三年大軍進征湖廣川湖
總督不能兼制乃專設四川總督從嚴侍郎沆請也

京師爛麪胡同昔稱懶眠故覃溪移居詩有街坊爛麪

名元好不敢隨人作嬾眠之句

乾隆己卯鄉試江西人有夢神告曰金哥哥來典試前一科丙子典試者爲金檜門宗伯夢者謂必金公再來後正主考爲錢文敏公始悟金戈戈卽錢字

錢文端二典江西試其庚午試竣寄其姪籀石宗伯詩有云悔不重遊廬阜邊越二十年癸巳宗伯亦典試江西洵佳識矣

毛馳黃先舒嘗有詞云不信我真如影瘦又云鶴背山腰同一瘦書來淡墨知伊瘦世稱毛三瘦見陳檢討集中毛馳黃韻學通指序

嘉慶初年東南海上多盜曰鳳尾幫曰水澳幫皆閩盜
箬橫小幫浙盜續出有黃葵幫及和尚秋等小盜皆閩
粵間人而閩盜蔡牽幫粵盜朱潰幫尤驍悍難治後惟
黃葵幫於玉環投誠餘則皆閩浙水師危檣大礮次第
擊滅

天子甄序勞臣有列爵至五等者其最奇莫如五年四
月神風助順蕩平安南盜一事時舟師猶未成安南大
艇幫縱橫南海蟻聚五六千人有四總兵及爵侯僞號
其聲勢與朱蔡二逆埒方游弋海壖忽大風暴雨黑浪
山立漂全股盜船於台州松門杳冥間若有神人追逐

沿海守兵乘風威下擊如屠豕羊捕蝗蝻然四總兵溺死者三磔死者一爵侯亦殄滅羣盜無一倖脫者奉

旨以總兵敕印擲還安南王阮光纘表言但令總兵巡海不慮其入浙爲盜悚息謝罪自後安南夷盜無復有片帆入中國海境矣

聖朝懷柔百神威靈遐震固宜海若天吳代將帥驅除之任今祆教小醜蔑視中華禮義之邦一旦天怒貫盈當復有嘉慶五年四月事

嘉善謝金圃侍郎墉乾隆十六年以優貢應

南巡召試列第一

賜舉人授內閣中書明年

賜進士出身改翰林因撰文錯誤落職廿四年獻平定
回部饒歌復原官在

上書房行走嘗館大學士傅文忠公家額駙尚書忠勇
公暨文襄王皆沖齡受業九掌文衡而在江南則典試
督學皆再任五十四年降編修偶病溼

上猶遣太醫院堂官臨視六十年休致時已疾篤

睿皇帝方在青宮與諸皇子皇孫遣中使存問無虛日
侍郎生平所蒙受異數在他人得其一節卽爲破格
恩遇曠十世不易遭而公屢仕屢蹟乃始終承

兩聖人寵眷如此然公純篤貞亮實足以仰副倚任其甄擢名士卓識宏量尤爲近代公卿之所難三元錢棨鄉會試皆出公門

殿試公與讀卷世稱盛事高郵李進士惇嘉定錢進士塘山陽汪文端公廷珍陽湖孫觀察星衍甘泉焦明經循皆由公識拔成名經術文行表表稱江淮間儒者汪明經中方貧困遭侮受公知充丁酉科江都拔貢公嘗語人予之上容甫爵也如以學子於容甫北面矣自是明經文譽始大起阮文達公始應童子試公極口獎勵召入第讀書卒爲鉅儒賢相嗚呼直省督學十八人越

三年一更典試數且倍之憐才愛士如謝公今何人哉秀才初出貢許其才學足爲侍郎學政師雖自知素明者恐未易毅然出諸口公於是乎不負所職矣

金川之役阿文成公攻克美諾寨時以皮船渡水克小金川僧克桑遁澤旺降遂進討大金川皮船之製今不

知尙有存否

按金川瑣記載皮船製甚詳又稱西番多以羊皮爲舟名渾脫

朱文正公以侍讀學士授福建糧驛道擢按察司調山西升布政司以按察司黃檢奏公終日讀書於地方事無整頓公入

覲復授翰林學士迴翔中外十四年仍居原職仕宦不

可謂不鈍然公在朝一載卽奉

高宗命侍

仁宗讀書自此明良契合外而方伯連帥內則宰相六
官謨明弼諧遂爲臯夔伊傅一流人物則仍黃檢福之
而實亦終日讀書之效也刀筆筐篋之士烏足以知之
彭文勤公嘗墮馬西華門內朱文正公亟呼與人入門
昇之遂被吏議降二級調用夫文勤未蒙

賞乘輜文正豈不知之殆倉猝中不及顧也卽此見前
輩交誼之篤

史局初開

郎潛紀聞

卷七

十四

詔徵前明李映碧侍御

鶴書屢赴堅不出山一時名輩多以詩文投贈有七律一章最切合能寫出侍御身分詩云攷獻徵文重石渠蒲輪遠賁竟何如班彪自昔能編史范粲終知不下車北部姓名鉤黨後東京人物夢華餘惟應獨拜江邊楊公論憑開井底書余昔見是詩記是康熙朝徵士所作忘爲誰某并忘其爲刊本或墨蹟矣字句亦恐有偶舛者

康熙間妖人朱方旦道光間薛執中皆挾道術游京師能驅遣風雷役使鬼神先期言休咎多奇中王公貴人

爭拜座下朝官趨走若驚方且經講官於入直時劾奏
執中以言官上聞皆依左道律服上刑大僚多連染降
黜噫在昔文成五利之徒雖卒以詭誕見誅而忝竊崇
封耗土木金銀至無算儻生際聖朝其能一日姑容於
化日光天之下與士大夫見理不明惑於禍福者尙其
鑒諸

余在都時詞臣中有文學博雅骨鯁能
言者篤信扶鸞之術余嘗以二事語之

潘文恭公試童子日端坐試席風度凝重吳縣令李逢
春異之因命對云范文正以天下自任公應聲曰韓昌
黎爲百世之師夫文正昌黎後世殊難追逐然公口氣
如此則已安排作狀元宰相矣

西湖龍井寺以秦淮海倅杭時與寺僧辨才往還遂成名勝乾隆二十七年

高宗皇帝親奉

慈輿省方南服駐蹕湖壖旬日中

翠華四幸

宸章題詠多至三十一章自來勝刹精藍莫之與比見莊中丞有恭碑記乾隆六十年淮海裔孫小峴侍郎瀛備兵浙右剏建淮海祠侍郎自撰一記一跋而梁山舟侍講爲之書南康謝中丞啟昆有謁祠詩二首同嵌壁間足稱二絕杭州兩遭兵劫今不知興廢如何矣

葛壯節公雲飛爲水師名將嘗僞作商舟以誘賊東南
海盜擒刈極多賊中謂之謠曰莫逢葛必不活公子以
敦征粵寇有功能以匹馬出入賊陣賊屢披靡呼之曰
銀鎗小葛後亦殉難

陸清獻三魚堂日記云始見魏環老一見如舊識言及
丙辰冬推閩臬之時

皇上問嘉定無錫兩縣俱好朝議方推而參疏夕至矣
環老言及之尙怒形於色余但自謝至誠不足以感動
上臺無足怪也又一條云辛未六月十四在

闕右門會議捐納保舉一事忽起大風波至二十二日

始得寬免之

旨方顛沛時最承相愛者滿人則鍾申保漢人則同衙門各道長外如譚祖豫之計畫盤費張長史之殷勤執贄崔平山之躊躇前路皆有古風而沈樂存之慷慨願救尤同衙門之傑出也清獻官聲學派冠冕昭代世無異辭觀此二事於參劾不公之上司絕無怨望而於同朝故舊偶有一言之申救一事之圖維耿耿不忘一若真受再生之德者非聖賢中人那得如此和平如此篤厚

三魚堂記云邵二泉爲江右提學行事如生員不葬親

者不許科舉又生員年少能文者限其每季讀書若干
此二事講求根本有神風教可爲後來視學者法一
漳浦蔡文勤公之以庶常入都也寶應喬敎諭某遇諸
逆旅見其舉止而異之聞諸外舅甘撫胡期恆胡以聞
年大將軍遂薦諸

上至大用然文勤實不知也見姚椿晚學齋文集平湖
顧廣譽云年薦文勤事與方侍郎作墓誌雷副憲序文
集所云奉

特旨入都者不合傳疑俟攷余謂果有其事年罹
嚴譴而公以

恩遇始終正見公之柴立不阿

世宗之知人則哲

陸清獻公與崑山徐尚書爲同年而意趣不合嘗論尚書生平謂晚年刻通志堂九經解爲第一善事

西域聞見錄乾隆四十二年滿洲七十一譔七十一嘗奉使西行故語多確鑿書中多垂誠不甚夸耀武功尤爲紀述佳手蓋阮吾山司寇葵生實爲潤色云

武進管侍御世銘在臺垣負抗直聲一日與友人酒坐時和珅以伯爵官大學士眾譽伯揆無虛口侍御被酒大言曰諸君奚爲者吾方有封事眾皆駭愕是夕侍御

歸邸舍遽卒見姚椿所作管侍御唐詩選書後姚聞之
淇稚存太史子符孫符孫得諸太史太史與侍御同里
友善其言當不謬按姚文又云錢通副澧以劾和坤奉
上不豫寒悴以死世皆疑其被害惜翁
獨明其不然惜翁指姬傳先生也

無錫鄒小山侍郎一桂工詩善畫嘗繪菊百種各題詩
其上以進

上賜額四字曰黃華知己

北平黃崑圃侍郎叔琳以康熙庚寅視學山東越六十
年哲嗣忍廬都諫登賢亦持節是邦其訓士遴才一以
家訓爲規臬士林誦之

笥河先生齋名椒花舫石君先生別字南厓皆見覃溪

復初齋詩

道光丁未會試山東孔慶瑚爲同考官孔氏宗族應迴

避者數十人

按聖裔散處各省者皆依衍聖公輩行不
索昭穆故每遇孔氏子孫有主考同考之

役以同宗例須迴避不論籍貫禮部尙書祝慶蕃以爲言請復別試迴

避之例

上問國家原有此例因何停止慶蕃對乾隆某科有宰

相子弟迴避者

純皇帝恐臣僚與有私昵乃停此例

上曰今年非亦有宰相子弟在迴避中耶慶蕃叩頭莫

能對遂罷官

草溪學士辦香坡公每歲十二月二十五日輒集四方名士於蘇齋爲公作生朝後得

本朝王文簡像亦如祭坡公例惟每祭文簡必徧詢坐客謂漁洋品古今五言詩以盛唐爲宗盛唐五言又以三昧集王孟諸家爲宗而先生選五言詩於唐止取五家有韋柳而無王孟諸家何也請下一轉語方許同列拜跪

七閣藏書在奉天者曰文溯敬按

太宗文皇帝統師入關嘗釋奠於盛京文廟卽立文館

築翔鳳閣以譯書史實陪京文溯之先聲也今日詞臣
詢以七閣規模其闢葺者至不能舉淵瀾津溯之目豈
復知巍然傑閣有以翔鳳

命名者爲我

朝文明肇始之基耶

乾隆癸卯順天鄉試考官三人同考官十八人皆用翰
林出身可爲詞林榮幸以四書題詩題同在首場亦是
科始

盧抱經學士文弢精於攷索每朋輩小集談藝學士仰
而沈思以手頻摩其面同人戲語此省皁脂錢耳

康熙壬戌七月王文簡公士禎陳文貞公廷敬徐健庵
尚書乾學王幼華給諫又旦汪蛟門比部懋麟集城南
山莊禹慎齋鴻臚之鼎作五客話舊圖蛟門爲紀卷藏
澤州陳氏

乾隆庚戌四月

上東巡遣官祭尹吉甫墓並

垂問吉甫子孫途次適南薰徐來

上語侍臣曰此卽詩所謂穆如清風也

高宗稽古右文

天語典雅如此

滿洲西林覺羅氏自步軍統領鄂拜曾官祭酒後鄂拜

姪鄂爾奇姪孫鄂容安元孫潤祥皆相繼長成均潤祥

字補臣有四世司成詩卷按西林氏

西林實其姓文端公鄂爾泰貴顯時

自稱西林鄂爾泰世遂以西林爲文端別號矣

自從龍入關重侯累相武達文

通在豐沛故家中遺澤最遠第一輩福倫一等男爵鐵

寶副都統兼一等男爵鄂爾泰大學士一等襄勤伯第

二輩天保襲一等男烏金內閣學士禮部侍郎鄂實副

都統征葉爾羌陣亡謚果壯鄂容安進士官至兩江總

督征伊犁陣亡謚剛烈第三輩鄂岳散秩大臣一等伯

鄂津伊犁領隊大臣其餘中外一二品官不可勝紀如

近日之盛京將軍都興阿察哈爾都統三等男爵勇毅
公西凌阿江甯將軍穆騰阿皆其族也至橋門鐘鼓四
世人師祖德

君恩鐫之太學則尤簪纓世胄肩背難望者矣

湘陰左舍人宗植今大學士恪靖伯兄也少豁達好談
時務厯贊大府帥戎幕與伯相齊名咸豐初年洪逆起
事

上命故相賽尚阿經畧粵西軍務時舍人方官京師以
賽相參佐非人亟草牘力薦江忠烈公於壽陽相國壽
陽遂上達

天聽忠烈之轉戰數省豐功勁節爲

中興諸將眉目實自舍人識拔始

左舍人慎齋文鈔有與胡詠芝中丞書

詠芝文忠字舍人子微文忠女

壻也云咸豐三年冬星李翼軫岷樵亡五年熒惑在翼軫

犯左執法羅山亡八年星李翼軫掃上將迪庵亡按岷

樵汪忠烈字羅山羅忠節迪庵李忠武也康祺性好雜

覽獨於占驗推步之術夙未殫究不知其言之當否姑

述之以貽後之志天文者

和珅柄國時其家奴多乘高車橫行都市無所憚湘鄉

謝侍御振定方巡城遇焉捽而鞭之火其車於衢世稱

燒車御史後二十餘年侍御子興曉以固始縣令膺卓薦

召見

上從容問曰汝卽燒車御史之子乎不數月

特旨擢成都知府

前明華亭尙書書畫距今不過四百年而真迹絕少蓋由

聖祖皇帝最愛董筆當時海內佳品玉璫金題彙登

祕閣惟題元宰二字者以上一字犯

御名臣下不敢進覽故尙有流落世間者見獨學廬二

稿董香光山水詩畫卷跋

郎潛紀聞卷七終

郎潛紀聞卷八

鄞 陳康祺著

京師書攤今設琉璃廠火神廟謂之廟市攷康熙朝諸公皆稱慈仁寺買書且長年有書攤不似今之廟市僅新春半月也相傳王文簡晚年名益高海內訪先生者率不相值惟於慈仁寺書攤訪之則無不見亦一佳事翁覃谿復初齋集題詩龕竹石圖詩注云時與程魚門姚姬傳校讐清秘堂同和東坡玉堂種竹詩按時在乾隆戊子己未間姬傳方官戶部魚門亦尙未入翰林可見當時部郎有才望者原可與清秘校書之役也姬傳

族孫瑩石甫文鈔註是役非朝材爲纂修者八人如程
外任大椿幼植亦預餘未詳

漁洋三十九歲以戶部福建司郎官典四川鄉試後乾
隆戊午錢裴山楷亦三十九歲以戶部福建司郎官奉
是使漁洋蜀道集用坡公密州詩三十九歲事裴山亦
追和其韻可謂儒官韻事余今年亦三十九歲矣自前
年補缺迴避不復作使星玉節之夢想而斗大一城尙
如海上神山之可望不可卽追溯前賢豈果賢不肖之
相區絕遠與

嘉慶己未高郵王引之秀水錢昌齡汾陽曹汝淵同入

翰林是三家皆三世翰林矣科第清門衣冠盛事王定保摭言未有也

乾隆壬寅

諭文淵閣新藏四庫全書自四月四日始每冊用

御寶二前曰文淵閣寶後曰乾隆御覽之寶

國初趙氏寄園舊址在今給孤寺鄰近乾隆庚辰辛巳間王述庵侍郎翁覃谿學士諸桐嶼太史結屋比鄰時有三家村之目

洪稚存太史亮吉幼孤貧母太夫人教之讀書一日太史從受儀禮至夫者妻之天太夫人慟絕良久呼曰吾

何戴矣遂廢此句太史貴後繪機聲燈影圖徧求名輩
詩筆表揚同時鉅人長德咸有題詠見之嘉道詩文集
中甚多

禮烈親王

太宗文皇帝兄也天聰間薩爾滸山之戰殲明兵四十
萬王功尤多他如葉赫烏拉諸部眾受降伐畔亦復靡
役不從載在琅書炳如星日矣相傳王所乘馬名克勒
國語稱聚騮馬阜青駿尾者也高七尺長丈咫是馬腹
下旋毛如鱗識者謂之龍種每聞鼓輦聲輒矯首歎鬣
摧陷當衝嘗病蹏自跑地出泉洗創卽瘡軍中呼曰聖

水蓋天祐大東房星應瑞元氣之厚雖一物亦神駿不
凡也馬舊有圖藏禮王府汪琬爲作傳翁方綱爲長歌
林文忠撫蘇日常謂僚屬曰吾恨不從牧令出身事事
由實踐曾文正督兩江日嘗曰作官當從州縣作起纔
立得腳住今士人通籍多以翰林爲榮選次亦望爲六
部曹郎以升途較外吏捷耳國計民生不稍留意雖宰
輔何榮而身爲州縣者又往往急催科緩撫字瘠百姓
肥身家案牘付之幕僚耳目寄之胥吏閱歷利弊適濟
奸貪又不如京朝官之冷署浮沈不致殃民誤國也
林文忠性卞急撫蘇日嘗手書匾額於聽事之堂曰制

一怒字昔宋賢呂本中教屬吏當先以暴怒爲戒公以之自律其克已功夫尤切實已

彭雪琴侍郎以水師克復小孤山凱旋後摩崖題句云書生揮指戰船來江上旌旗一色開十萬雄師齊奏凱彭郎奪得小姑回儒將風流令人羨絕

雒縣相國大拜時太夫人猶無恙宣麻日公喜詠云更無朝士稱前輩尙有慈親喚小名珉珉一呼不讓蘇易簡矣

乾隆戊申

上以相臺五經鏤板特築五經萃室藏之舊例科場試

士士各習一經至是始用五經連歲取士蓋感動
聖懷實由倦翁舊刻也

康熙乙丑錢文端典禮闡夢三大錢聯系是科得錢文
敏公維城而文敏本房則錢相人方伯琦也覃谿詩屢
及是事

國初崑山歸處士莊與亭林齊名時有歸奇顧怪之目
後華亭陸鳴字日爲工畫與同里嚴載齊名亦稱陸癡
嚴怪蓋士大夫浮沈里閭其制行稍岸異者未有不使
流俗人魚鱗鶚睨者也

容城孫徵君奇逢講學夏峰四方才俊留門下請業者

廊廡爲滿湯文正以監司乞養歸方授徒梁宋間聞徵君名德造門問道執弟子禮甚恭讀書十年復出畧名位而崇天爵薄浮榮而究性功篤志謙光非可望之今世士大夫矣一

順治初祭酒薛所蘊薦容城孫奇逢稱爲許衡吳澄請以奇逢長成均奇逢固辭事雖不行其風古矣一

康熙朝鴻詞科凡年老試不入格者吏部爲裁量注官惟容城杜越太原傅山

聖祖命加中書舍人時人歎爲美授一

國初容城張果中蠡縣彭了凡西華理鬯和並著奇節

皆與孫徵君奇逢友善王漁洋謂之蘇門三賢果中少
任俠明季左光斗魏大中被逮皆主其家了凡明諸生
亂後游河朔依徵君以居貞介絕俗士人餽之粟不受
餓死嘯臺傍徵君題曰餓夫墓鬯和本姓李恥同闖賊
遂復大理之理按興化李嘉兆卽南岳上人退翁父甲申後貽其子書命復姓理氏時未知鬯
和事也適與之合徵君稱爲曾連後一人三賢雖制行
天下傳爲二理過中而敦尚風節砥礪清修聖人復生當亦置之狂狷
之列嗚呼學校如林儒冠滿眼卓彼三子弗可及已按
理復姓鬯古人所未有不愧豪傑而崇禎壬午闖圍承
天乃有迎降通譜之巡按李振聲恐寸磔其軀不足喂
理門犬
豕也

亭林先生廣師篇云學究天人確乎不拔吾不如王錫
闡讀書爲已探賾洞微吾不如楊雪臣獨精三禮卓然
經師吾不如張爾岐蕭然物外自得天機吾不如傅山
堅苦力學無師而成吾不如李容險阻備嘗與時屈伸
吾不如路安卿博聞強記羣書之府吾不如吳任臣文
章爾雅宅心和厚吾不如朱彝尊好學不倦篤於朋友
吾不如王宏撰精心六書信而好古吾不如張昭百詩
先生論人物嘗稱吳志伊之博覽徐勝力之強記自問
不如吾鄉李杲堂先生最心折萬氏家學嘗云粹然有
得造次儒者吾不如公擇事古而信篤志不分吾不如

季野杭大宗太史亦自謂吾經學不如吳東壁史學不如全謝山詩學不如厲樊榭數公皆經術湛精文章淹貫尙樂集思廣益撫謙自下如此今鄉里晚學猶識逕涂便謂朋輩中莫可與語志高氣溢宜其畫矣

國初孫徵君講學蘇門號爲北學餘姚黃梨洲先生宗羲教授其鄉數往來明越間開塾講肄爲南學關中之士則羣奉西安李二曲先生容爲人倫模楷世稱關學二百餘年來講堂茂草絃誦闕如詞章儉陋之夫挾科舉速化之術儼然坐皋比稱大師矣

二曲主講關中康熙中初以隱逸薦後以鴻博徵皆稱

病力辭自謂不幸有此名乃學道不醕洗心不密不能
自晦所致遂杜門斷交接朋友詣之者絕不得見一日
白崑山顧炎武元和惠周惕至倒屣迎之談讌極懽一
時門外瞻望顏色伺候車騎者駢肩累迹幾如荀陳會
坐李郭同舟東漢風流再見今日也

邠陽康處士乃心潛心理學進退辭讓一以聖賢爲準
則時秦人爲之語曰關中二李不如一康二李謂二曲
天生也

康熙間蕭山毛西河奇齡錢唐毛稚黃先舒遂安毛會
侯際可俱以文章雄長東南壇坫時海內謂之語曰文

中三豪浙中三毛

順治初年宣城施愚山萊陽宋直方雲間周釜山同官
刑部郎署多暇敝車羸馬相過從飲酒賦詩爲樂一時
都下盛傳謂前明王李諸君白雲樓唱和遺風居然不
墜同光之交余官西曹六年同舍郎非章句腐儒卽膏
粱子弟間有一二風雅之士率厭苦應官畫諾終歲不
踏曹司門白雲樓下吟聲寂如可歎也

又刑部福建司有甘露軒配四川司之白雲樓亦王李
當年賦詩唱和地查查浦嗣璫詩所謂甘露飛來綴柏
枝是也

刑部白雲亭地形最低夏秋雨後輒排几案作橋亭中水深至一二尺阮吾山司寇詩云十八曹司水際浮者今尙然也然相傳以沙擁翰林院水滄三法司爲吉兆不解何義

國朝駢體自以陳檢討爲開山由其才氣橫逸澤古淵潭而筆力又足以駕馭之故隸事言情具有六朝家法一二俗調不能爲全集疵也降而思綺林蕙氣息茶弱浪得名矣顧聞吳菌次慷慨義烈敦尙友誼長沙趙洞門總憲當柄用時車馬輻輳及罷歸出國門送者三數人菌次與焉其召還也賓客復集菌次獨落落然蹤跡

闢疏合肥龔芝麓尙書提倡風雅門生故吏徧九州歿於客邸兩孫惇惇孤露無過存者藺次則哀而振之撫其幼者如子而字以愛女至於成立使名家子孫無西華葛帔之歎風義如是文章餘技已章檢討行誼亦純粹見省府志本傳

虞山錢宗伯下世其族人夙受卵翼者妄意室中之藏糾合亡賴少年囂於宗伯愛妾所謂河東君者之室詬厲萬端河東君遂自殺同縣嚴生武伯不勝其憤鳴鼓草檄以聲厥罪宗伯之家始安夫宗伯以前朝魁碩宗匠儒林晚節摧頽至盡喪其數十年談忠說孝之面目

其人誠不足論第其生前獎借孤寒陶成後進一旦聲華漸滅而平日依草附木之輩遂反唇而肆其訾訾迄於家室漂搖姬姜畢命葛裙練帔孤雛可憐亦未始非人情之過薄河東君一死報主地下老尙書不知相對作何語若嚴生者可不謂古之義俠與

錢唐梁侍講初字元穎偶得元貫酸齋行楷山舟字揭之軒中士林遂稱山舟先生後陽羨任禮堂過雲間於天馬山周氏見石刻山舟二字迹類飛白甚奇古蓋趙承旨筆也亟手拓一本畀吳槎客攜攜至杭州贈侍講任梁素未謀面自此遂訂交槎客賦長歌以紀

康祺按此事纖微無關掌故而窮鄉編戶有此馴良孝友之家貞不絕俗善不近名古來獨行傳中實所罕覩亦足見我

朝王化之行首及畿甸詳列於此俾采風者有述焉一

錢唐戴文節公熙夙工書畫道光辛卯爲鄉人沈文忠公兆霖畫雙桂題南宋詞曰占斷花中聲譽香和韻兩奇絕蓋文忠方應舉寫此作利市也是歲榜發文忠名在第二同人以爲畫譏文節賀詩遂有桂林聲譽原無比悔寫蟾宮第二枝之句後十年文忠已疊秉使節文節爲人畫月桂圖述及前事謂畫不足傳藉人以傳比

同治初元文忠奉

命勦撫叛回值秦中山水暴漲沒於王事而前三年庚申文節早殉難杭州蓋臣碩輔先後騎箕譽望馨香兩相輝映則真所謂畫識矣

太常仙蜨好與士大夫之風雅者作緣或數千里相訪值名人官奉常則無不至

本朝勝流紀此者多矣以余所聞吳縣潘鄭庵師祖蔭長太常時蜨曾一至仁和許星叔丈庚身以太常卿奉諱南歸卜葬之日蜨亦栩栩然來頃閱戴文節公題畫偶錄知道光二十九年立夏日公在私宅晨起突見窗

上一蜚黃質黑章四趺古樸類枯葉公子驚喜曰兒聞
仙蜚四趺此良是公近窺之略不畏人惟屢張其翅似
索畫公故善丹青遂取簃爲寫影稿成卽入署

公時以少馬直

齋

南

晚歸蜚尙在又張翅不已公諦視怪所寫未肖復

細撫形色及剝落處一一似之回視公子皆曰肖蜚始
翩然去公自謂賃此宅幾年未見一蜚是日院中來
三蜚皆久駐檐外蓋其侍從云清衙久住歲久通靈徧
識名流至能擇人索畫蜚誠仙矣然遊戲人間必留此
毫端之幻相豈神仙猶好名與一

見亭河帥麟慶官中書時亦見仙蜚於薇垣且至其第

又至河南開歸道署又再至袁浦節署時河帥適得金

尚書光第仙蜨圖

尚書見仙蜨集於京寓馬纓花下而作覃谿學士有詩

因徧徵

題詠以識奇緣案河帥公輔世家風流儒雅政蹟亦卓然有聲宜蜨之遠道依依過從尤數云

道光辛丑八月恭值

聖壽六旬部院臣工照例奏請舉行

慶典

宣宗以暎夷內擾海氛不靖未

俞所請遂使萬國抑呼嵩之願羣工廢宴鎬之儀鉅典

崇禱竟從貶損蓋

自題一聯曰浮沈宦海如鷗鳥生死書叢似蠹魚百年
之後諸公書以見挽是矣劉文清公墉笑曰上句殊不
類公若以挽陸耳山乃確當耳越三日而陸副憲訃音
至文達紀之槐西雜志以爲事有先兆云

國初瀋陽范氏勛業鼎盛文肅公文程翼贊

龍飛爲我

朝阿衡尙父康熙初三孽不靖忠貞公承謨方督閩三
年土室卒殉封疆又爲我

朝睢陽常山偉略盡忠後先踵起洵海內第一世家康
祺按范氏自有明中葉由吳往戍蓋文正公裔孫也名

郎潛紀聞

卷八

五

相雲初閱五百餘年又成閱世皆謂天平冢地使然
天平山屬蘇州文正祖墓在焉不知文正父子世德鬱積實足致公侯
復始之祥而

天祚

聖清蚤於前朝全盛之年預置高平一脈於大東爲異
日

真人之佐命事關興廢豈區區疑龍撼龍之說所能爲
功哉

乾嘉間詩人多賦都門八古蹟一爲法源寺甄塔相傳
安祿山史思明建一爲太醫院銅人在署內藥王廟作

於宋天聖時世謂從海湧出非也一爲報國寺密變觀
音像高尺餘寶冠綠帔手捧梵字輪一爲潭柘寺妙嚴
公主拜輒公主元世祖女削髮居寺中持觀音文禮大
士拜痕入輒額手足五體皆具歲久輒壞獨留兩足痕
明萬厯壬辰孝定太后匣取入覽藏之一爲覺生寺大
鐘明永樂間鑄萬厯間從經廠移置萬壽寺乾隆八年
移覺生寺一爲崇國寺姚少師影堂露頂袈裟趺坐一
爲慈壽九蓮菩薩像九蓮菩薩明孝定皇后夢中授經
者也覺而一字不遺因作慈壽寺建九蓮閣塑菩薩像
跨一鳳而九首相傳菩薩爲孝定前身又長椿寺有黃

綾紫軸繪九朵素蓮花題曰九蓮菩薩之位卽孝定也
一爲刑部楊忠愍公手植榆在北所康祺按都門古蹟
唐已後明以前見之載紀者甚夥此八者殆偶然寄興
或當時尙在者也

寄變觀音像昔

高宗臨幸曾鐫銘詞見

御製集

京師廣渠門內萬柳堂爲

國初益都相國別業康熙時大科初開四方名士待

詔金馬門者恆讌集於此後歸倉場侍郎石文桂旋施

爲寺

聖祖賜額爲拈花禪寺乾隆壬申遼東李薦青山人豸
招詩人修禊寺中甯邸秋明主人問之攜酒肴歌吹來
會凡二十有二人咸有賦詠燕郊春事朱邸謙光詩虎
酒龍分張旗鼓洵

昇平之嘉話騷雅之清游也余入都會一叩寺門孱僧

捫蝨古佛臥堦萬樹垂楊無復一絲青翠回車不覺唏

歎曰康乾二朝士大夫真神仙中人

按元廉希憲萬柳堂在京師右安門

外今亦無迹

乾隆甲辰甘肅小山逆回田五爲亂聚石峰堡大肆淫

掠遂犯通渭城知縣王懷割髮富鄉里典史溫模福建
長樂人夙有惠政聞變率兵民登陴固守七晝夜會糧
盡城陷正衣冠北向拜遂自經事平大學士阿公嘉勇
侯福公以聞

純皇帝嘉悼之有取義舍生賞延於世之

諭贈府知事加知縣銜旋晉道銜

賜祭葬入祀昭忠祠蔭一子知縣諸被難者咸有卹蔭
而置王懷於法流外微官赫然忠義誰謂哦松射鴨之
中無豪傑士與一

淵如先生官直隸司主事時領部務者相國阿文成公

桂大司寇胡莊敏公季堂皆刮目相待派辦秋審先生
獨傳古亭疑多所全活外任陳臬七月平反至數十百
條雪死罪誣服者十餘亦不以之罪州縣官曰州縣豈
能盡明刑律皆幕僚誤之也蓋儒者之效如此我輩承
乏秋官本當神明法外依古義以求平若事事按律科
斷則一刀筆吏足以了之何以

睿皇帝煌煌聖諭非甲科人員不得與聞秋讞乎余在
刑部時嘗有句云幸逢

堯舜求刑措敢學申韓號法家同官輒笑爲迂可歎也
錢唐戴文節公以侍郎乞休殉庚申粵逆之難其絕命

良渚紀聞 卷八
詩云傷心蒿目挽時艱八載籌防總汗顏撒手白雲堆
裏去從今永不到人間越歲辛酉杭州再陷時張小巖
編修洵奉諱家居相助城守城破率妻子殉焉張與公
同縣公投池張亦投井死張絕命詩並有白雲堆裏吾
將去前輩風流有戴公之句後經朝官請

卹亦謚文節二公皆無守土之責就義成仁前輝後映
足爲湖山增色矣

乾隆間嘉勇貝子援諸羅時超勇公海蘭察前行行約
百里貝子督師繼進夜大雨天黑如墨遇土山駐軍山
頂貝子中坐隨軍官圍貝子坐外親軍外正軍皆圍坐

五則見錢大昕文淵

閣大學士王公傳一

乾隆五十七年和珅方秉政兼步軍統領遣番役四出
訶事攜徒眾持兵又爲暴民間官吏莫敢問一日至山
東博山縣飲博恣肆知縣聞卽捕之至庭不跪以牌示
知縣曰吾提督差也詰之曰牌令汝合地方官捕盜汝
來三日不吾謁且牌止二人而率多徒何也擒而杖之
知縣卒以是去官博山民若失慈母而和珅遂亦不復
使番役出京師蓋知縣事者偃師武億虛谷先生也先
生邃經學攷證金石多精論卓見循吏儒林相表裏如
是戢暴馴良之異政奈何與不讀書人謀之一

乾隆朝開四庫全書館惟紀文達公昉始終其事其後
恭進全書表相傳公振筆疾書文不加點同館莫不歎
服時總其事者復令陸耳山副憲錫熊吳稷堂學士省
欽合撰一表終不愜意乃以公所撰表書二人銜名以
進

純皇帝閱未終卷顧謂諸臣曰此表必紀某所撰遂
特命加賞一分文達碩學鴻才固爲

本朝有數人物亦由遭際隆盛

睿照如神天球河圖獲供明堂清廟之用可歎羨也
河南侯戶部杼櫛順治壬辰進士令濰縣時清操絕人

大賈郭某陷於訟薦紳爲之請者以十數侯閉閣不與
通同年某方守萊州移書懲責侯佯爲莫解復曰濫竽
作吏曠職懷慙苟有可以報朝廷愛百姓者教之敢不
惟命守意沮方杼愭出宰其兄杼惲語之曰吾家世清
白若以一錢歸吾不復弟視若矣故愭以清節特聞兄
之教也見田雯古懽堂集康祺上書乞外行作令矣先
兄履伯先生耿介方嚴不後於杼惲自兩弟入仕遺書
勗責口不言錢余他日百里牽絲計惟西江杯水鬱林
片石清操勉樹方足以承祖德而保兄風書此聊自箴
也

郎潛紀聞卷八終